




Broj: 01-50-2-94-15/2022  
Sarajevo, 14.07.2022. godine

**Parlamentarna skupština Bosne i Hercegovine**  
**Predstavnički/Zastupnički dom**  
**n/r: Nebojša Radmanović, predsjedavajući**



**Predmet: Odgovor, dostavlja se**

**Veza: Vaš dopis broj 01-50-1-15-31/22 od 29.06.2022. godine**

Poštovani,

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 30.06.2022. godine zaprimilo dopis, broj i datum veze, kojim VSTV-u BiH dostavljate poslaničko pitanje poslanika Nermina Nikšića, u skladu sa članom 166. i članom 170. Poslovnika Predstavničkog doma parlamentarne skupštine Bosne i Hercegovine, kako slijedi:

- „1. Čija je ideja da se vrši pljenidba municije (borbenih sredstava) od Oružanih snaga BiH?”
2. Kako je moguće da se dopusti izvršenje – pljenidba MTS nad Ministarstvom odbrane BiH u situaciji kad se radi o jako deficitarnoj municiji?
3. Zašto se umjesto pljenidbom MTS ako je već utvrđena obaveza Ministarstva odbrane ne vrši u novcu umjesto MTS?
4. Da li je tačno da se na taj način ostaje bez jako deficitarne municije jer se radi o količini od 1770592 komada metaka 12,7 mm za PAM, naravno i ostalog MTS?
5. Koju je cijenu Sud BiH procijenio po komadu za više od 6 miliona metaka raznog kalibra koje su predmet pljenidbe?
6. Koja se cijena na tržištu može postići za MTS koji je predmet pljenidbe, te da li je to razlog pljenidbe municije umjesto isplate u novcu, hoće li neko odgovarati ukoliko se pokaže razlika u cijeni između procijenjene vrijednosti u odnosu na stvarnu cijenu trenutno na tržištu čime se objektivno tražiocu izvršenja omogućava ostvarivanje extra profita?”

Kao obrazloženje, navodi se sljedeće: „U vrijeme ratnih sukoba i agresije Rusije na Ukrajinu potpuno je jasno kako Oružane snage BiH u svim ozbiljnim zemljama nastoje osigurati svoju logističku bazu, zadržati i povećati na što veći nivo opremljenost i borbenu gotovost. Nažalost, dobio sam informaciju kako uz ionako loše stanje naših oružanih snaga danas imamo ugroženu i logističku opskrbljenost, odnosno vjerovatno jedini takav primjer u svijetu da se od oružanih snaga vrši pljenidba MTS ionako deficitarnog metka 12,7 mm za PAM. Dakle, radi se o tome da „SCOUT“ d.o.o. Zagreb traži od Općinskog suda u Sarajevu po zamolnici Suda BiH da zakaže pljenidbu MTS protiv izvršenika Bosne i Hercegovine, Ministarstva odbrane BiH. Želio bih da mi se sa vaše strane odgovori na navedena

pitanja i očekujem da dobijem odgovor u najkraćem mogućem roku, te uključivanje nadležnih institucija za istragu ako se pokaže tačnim ovo o čemu se špekulira od strane onih koji su mi dostavili podatke.“

S tim u vezi, a u skladu sa članom 171. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“ br. 79/14, 81/15 i 97/15) dostavljamo sljedeći odgovor:

Imajući u vidu nadležnosti VSTV-a BiH koje proizlaze iz člana 17. Zakona o Visokom sudskom i tužilačkom vijeću Bosne i Hercegovine („Službeni glasnik BiH“ br. 25/04, 93/05, 48/07 i 15/08), VSTV BiH ne raspolaže traženim informacijama, stoga smo Vaš dopis uputili Sudu Bosne i Hercegovine i Općinskom sudu u Sarajevu na nadležno postupanje.

U prilogu Vam dostavljamo kopiju dopisa, za informaciju.


S poštovanjem,

Dostaviti:

- naslovu
- a/a

Prilog:

- Dopis VSTV-a BiH broj 01-50-2-94-16/2022 od 14.07.2022. godine





Broj: 01-50-2-94-16/2022  
Sarajevo, 14.07.2022. godine

**Sud Bosne i Hercegovine**  
n/r: Ranko Debevec, predsjednik

**Općinski sud u Sarajevu**  
n/r: Janja Jovanović, predsjednica

**Predmet: Poslaničko pitanje, dostavlja se**


Poštovani,

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 30.06.2022. godine zaprimilo dopis predsjedavajućeg Predstavničkog doma Parlamentarne skupštine Bosne i Hercegovine Nebojše Radmanovića broj 01-50-1-15-31/22 od 30.06.2022. godine, kojim su VSTV-u BiH upućena poslanička pitanja poslanika Predstavničkog doma Parlamentarne skupštine BiH Nermina Nikšića. Dopis vam dostavljamo u prilogu.

Imajući u vidu da VSTV BiH nije nadležno tijelo za pružanje informacija u vezi ovih pitanja, a koje se odnose na konkretan predmet po kojem postupaju vaši sudovi, dostavljamo vam dopis na dalje postupanje.

U prilogu vam također dostavljamo odgovor VSTV-a BiH upućen Predstavničkom domu Parlamentarne skupštine BiH, za informaciju.

S poštovanjem,



Predsjednik

Haris Lagumdžija

Dostaviti:  
- naslovu  
- a/a

Prilog:  
- Dopis Predstavničkog doma Parlamentarne skupštine br. 01-50-1-15-31/22 od 30.06.2022. godine  
- Odgovor VSTV-a BiH br. 01-50-2-94-15/2022 od 14.07.2022. godine